


大方等大集經

第二十五

九十三
有三

47699



元祿九年丙子二月日重脩

皇圖永固 帝業永昌

佛日增輝 懋輪常轉

山城州天安寺法金剛院置



大方等大集經卷第二十五

有楊茂

北涼天竺三藏曇無讖譯

虛空目分第九

聖目品第六



尔時明星菩薩白佛言世尊聲聞之人行聲
聞乘辟支佛人行辟支佛乘如是二人云何修
悲思惟何法離何煩惱佛言善男子若有善男
子善女人行聲聞乘辟支佛乘不觀衆生所有
樂相不作怨親父母等相憐愍衆生修起悲心
乃至十方亦復如是若我不能於惡衆生修習
悲者當觀是人八種苦相生苦乃至死苦是人
悲具足如是八苦我當云何於是人所不生心

是人復有三種大苦亦復未得脫三惡道我當
云何不生憐愍云何名為觀於生苦從業因緣父
母和合初受意識歌羅羅時其身猶如亭歷子
許是時未有入出氣息亦不覺知苦之與樂不
苦不樂離先色相未具後色無力無欲無有精
進無有憍慢上色上姓上自在相無五欲相諸
根不具如是衆生我當云何不生憐愍如是衆
生過去愛取名為無明過去業有名之為行初
入胎心名之為識歌羅羅中初色四陰名為名
色是時未具十二有枝以生因緣故可說有
十二因緣衆生如是何有智者不生憐愍歌
羅羅時住六七日六七日轉名頽浮陀是時形

色猶如小棗住七七日轉名伽那是時形色
如胡桃齧住八七日轉名閤尸形色猶如頻
婆羅果是時身邊有五疱出謂頭手脚十三
七日始有腸相二十七日男女根別二十一
七日始生骨節乃至三十六七日中其身具
足肉且毛根三十八七日具足身枝四日四

夜住在腹中臭穢之處是人如是我當云何
不憐愍耶尔時還憶本生之事憶已愁苦作
是念言若我出胎當修善法願後更莫生如
是處修不放逸遠離受生始出母胎尔時舉
身受迫迮苦入風觸身亦復受苦身初至地
以水摩洗復受大苦猶如地獄尔時還失憶

宿命事生已復有老病死苦隨逐不捨復有
風病白水黃水和合等病如是四病數各百
一常隨逐之是故名爲生是大苦既受生已
老復隨逐髮白面皺失智慚愧髮毛希踈諸
行陳故諸根衰熟易破易壞爛朽危脆唯貪
二味所謂鹹酢能壞安樂身根逼惱是大苦
河能破衆生三世壯色忘如嬰兒狂如鬼著
衆生具足如是惡事我當云何不生憐愍尔
時復爲死所侵逼失於智慧壽命諸有捨棄
諸陰身壞命壞四大離散三世衆生壽命之
怨一切衆生成就死法我當云何不生憐愍
尔時復有所不愛物而來親近所謂寒熱飢

渴惡人惡獸衆生如是我當云何不生憐愍
復有所愛別離所謂盛年財寶庫藏壽命父
母妻子親戚眷屬上妙六塵衆生既受如是
等苦我當云何不生憐愍或有衆生於三世
中求上六塵而不能得以是因緣具受衆苦
若我於此惡類衆生不生憐愍我當云何得
阿耨多羅三藐三菩提一切衆生受五陰擔
我亦如是若我不修大悲之心云何得捨如
是重擔一切聖人已得遠離五陰重擔若不
修行三種淨戒不善思惟其心放逸不行正
道不得解脫如是之人受百種苦衆生既受
如是百苦我當云何不修悲心若有衆生於

一日夜能如是觀是人行心猶如虛空是人
能於一切衆生修習大悲是人能得身心寂
靜是人不遠正真法界及以法性如是方便
能得聲聞緣覺衆生緣悲若有菩薩初修道時作
是思惟設令我有恒河沙等如須彌身當以
是身為於一人於無量世受大劇苦令彼一
人得受樂者我終不悔亦不退轉於菩提心
復作是念假令一切所有衆生各各執雜如
須彌山來打我身經無量歲我當忍受不生
惡心乃至一念復作是念是人所受百種之
苦一切衆生亦受是苦而不知念阿耨多羅
三藐三菩提我今學是阿耨多羅三藐三菩

提云何不受刀劍火石亦復如是若我當於一切衆生生惡心者諸佛賢聖當見呵責而作是語是人欲得阿耨多羅三藐三菩提云何如是而不忍辱菩薩摩訶薩修淨意者即是忍辱忍辱者即是瓔珞精進道性器盟財寶菩薩修習如是忍辱能淨身心能淨莊嚴堅固莊嚴得大智慧不與聲聞辟支佛共於諸衆生最爲殊勝一切四魔不得其便邪不能動煩惱折減一切怨讎不能爲惡言辭所說不可窮盡其智甚深猶如大海精進堅牢如須彌山等諸衆生如海一味能大利益猶如大地淨衆垢汙猶如清水能作光明猶如

明日於衆無礙猶如猛風世法不汙猶如蓮
華下視衆生如金翅鳥衆生樂見如夏日雲
衆生樂受如夏時雨見無餘求猶病遇醫壞
諸貧窮如如意珠施衆禪定猶如梵天生死
無礙猶如虛空示平不平猶如明燈人天恭
敬猶如帝釋若有菩薩起瞋恚心一切怨戒

悉得其便喪失一切善根財寶一切魔衆獲
得其過爲諸煩惱之所汙染入大闇處失一
切根爲諸聖人之所呵責若有菩薩起瞋恚
心乃至一念則爲喪失一切善法設我悉受
一切衆生無量億數打罵毀辱乃至不應起
一念瞋何以故如是衆生不學慈悲若彼衆

生心不瞋打我當云何修習慈悲以是義我故
衆生瞋時我應生喜何以故即是我之悲因
緣故若有善男子善女人能作是觀即得不
共聲聞緣覺衆生緣悲亦能疾得阿耨多羅
三藐三菩提善男子復有衆生觀三惡道苦
衆生已修習悲心復有觀察三界所有諸苦
衆生而修悲心復有觀察五陰衆生而修悲
心入界亦尔善男子以是義故菩薩摩訶薩
欲得阿耨多羅三藐三菩提當修慈悲何以
故夫慈悲者即是一切善法種子若有衆生
得色界身亦是修習慈悲因緣若無色身若
聲聞道若緣覺道若諸菩薩在嚴堅固行六

波羅蜜調伏衆生得無生忍成阿耨多羅三
藐三菩提皆因慈悲種子因緣說是慈悲因
緣法時明星菩薩得無生忍是忍不與聲聞
共之八万四千衆生得如法忍五千万那
由他衆生發阿耨多羅三藐三菩提心十万
八千衆生得不退心二万衆生成就慈悲五
千比丘得阿羅漢果五百比丘足盡一切漏
十方億衆生破大邪見得正見心尔時世尊
告無勝意童子善男子過去有佛名發功德
意亦說如是大慈大悲無勝意童子言世尊
所言如者去何名如佛言善男子遠離身相
名之爲如無勝意童子言所言身者即是實

性即是寂靜即是法界即是無漏即是無盡
佛言善男子如身者即是一切衆生之身如
即是過去未來邊際即是寂靜無勝意童子
言世尊若一切佛如即是身佛言善哉善哉
善男子如是法界無有增減三世平等不生
不出不滅猶如虛空如身亦如是說是法時
三萬衆生得如法忍爾時世尊告明星菩薩
言善哉善哉善男子善男子善女人云何修
習緣衆生喜善男子若有菩薩不修慈悲不
念衆生所有樂相乃至不觀三趣三界所有
諸苦而亦觀於五陰出滅如是觀已生於喜
心但樂觀法觀已生喜如是喜心願及衆生

是名爲喜卍尊云何修捨善男子若有菩薩
不修慈悲及以喜心修捨念捨父母乃至聲
聞緣覺菩薩諸佛修是捨時遠離一切愛瞋
法心是人修習空無相願旣修習已不久定
當得入涅槃若人能修如是等四無量心是
人則爲十方諸佛菩薩天龍夜叉刹利婆羅
門毗舍首陀比丘比丘尼優婆塞優婆夷之
所供養隨有國土若四部衆修習如是四無
量心其土則已遠離一切衰禍之相其中衆
生樂離惡法受持善法善男子四無量心具
足如是無量福德

虛空目分辟支佛乘品第七

無勝意童子復白佛言世尊修緣覺乘比丘
比丘尼優婆塞優婆夷善男子善女人云何
修習慈悲喜捨佛言善男子若有修習辟支
佛乘比丘比丘尼優婆塞優婆夷善男子善
女人觀衆生樂解衆生樂念法緣慈終不憶
念緣衆生慈如自心中所愛樂事亦願衆生

同共得之觀法平等觀樂平等觀心平等觀
如平等如是觀已乃至不於一人生惡設有因
緣生惡心者應作是念我若於彼生惡心者
云何當得阿耨多羅三藐三菩提菩薩摩訶
薩成就無量純善功德若於一人生瞋惡心
尚不能得阿耨多羅三藐三菩提況我未成

諸善功德以是因緣修衆生慈及法緣慈悲
喜捨心亦復如是善男子若有欲得緣覺乘
者應如是修慈悲喜捨說是法時六萬億衆
生得住初地或得二地三地四地五地或有
衆生得無生忍或有獲得辟支佛道及聲聞
道無量衆生發阿耨多羅三藐三菩提心

虛空目分聖目無礙智品第八

爾時衆中有一童子名虛空聲白佛言世尊
云何菩薩在嚴無上菩提之道修一切目方
便無緣梵行一切法目方便無緣梵行一切
陰入界方便解脫方便三昧方便陀羅尼方
便得忍方便諸地方便世尊云何菩薩摩訶

薩修一切智目門同虛空慧度於彼岸無緣
梵行越度四流斷四魔繫佛言善哉善哉善
男子汝今能入四無量海欲度衆生於生死
河是故今者發如是問復欲不斷佛大智海
善男子十方佛土若有菩薩同共汝行三昧
智慧我說法時如是等輩悉爲明證若無如
是菩薩證者我則不說無緣梵行何以故我
若說者多於是中而生疑心若有未得無緣
梵行亦復生疑以是義故不應宣說今時世
尊即入三昧其三昧名虛空幢入已面門出
大光明其明種種遍照十方諸佛世界蔽諸
日月令不復現其光明中出大聲言娑婆世

界釋迦牟尼為諸衆生宣說梵行壞諸煩惱
說聲聞乘辟支佛乘無緣梵行無量衆生及
諸菩薩次第而坐聽受正法亦說清淨菩提
之行為欲利益無量衆生故作大集說種種
行無量衆生獲得一生及以後生十方衆生
聞是語已一切悉集娑婆世界或有菩薩現
真金身雨於金沙或現銀身雨於銀沙或現
琉璃身雨琉璃沙或玻瓈身雨玻瓈沙或沉
水身雨沉水沙或栴檀身雨栴檀沙或多摩
羅跋身雨多摩羅跋沙供養於佛供養已畢
頭面禮敬却坐一面尔時世尊告虛空聲童
子善男子今日十方諸大菩薩其中或有得

法忍者得無生忍。一生後生悉爲我證。如是
菩薩修習慈悲喜捨之心。了了通達諸法之
性。亦能遠離身相業相。其心不著有爲無爲
亦不貪著眼乃至意色乃至法至心。修習無
緣梵行。無諸覺觀。不生憍慢。無所貪著。知真
實性。觀一切法皆悉平等。所謂三世三界三
戒亦得增長。大慈大悲大喜大捨一切衆生
遠離三界陰入界等離一切字聚名聚句聚
有爲之法。作是觀時。即得具足大慈大悲大
喜大捨。修習同空三昧。梵行六波羅蜜諸佛
護念具善方便。住第三忍。過於聲聞辟支佛
道。遠離一切眼色。因緣乃至一切意法。因緣

觀法界如隨順不倒獲得大慈大悲等力於諸法中得大自在而於生死不生厭悔有大
力勢調伏衆生於三乘中得智方便能雨法
雨得無礙智解諸衆生異語方便善男子是
名聖目陀羅尼具無礙智修習梵行善男子
若有菩薩修是梵行如是菩薩常得見佛能

具佛法淨佛世界性淨衆淨行淨智淨意淨
供養亦淨能具十地次第當坐如來法座如
是名爲清淨法行是名如來是名世尊名過
四潮名菩提道能得菩提轉大法輪云何名爲
一切智耶若智能觀一切平等衆生平等三世
平等不倒平等如是等一切法見虛空目見法

虛空目見無行虛空目見性虛空目見如空虛
空目見如內空虛空目見如外空虛空目見
如內外空虛空目見如大空虛空目見如第
一義空虛空目見如有為空虛空目見如無
為空虛空目見如畢竟空虛空目見如無始
空虛空目見如性空虛空目見如散空虛空
目見如自性空虛空目見如一切法空虛空
目見如無所覺空虛空目見如無法空虛空
目見如無性空虛空目見如無法有法空虛
空目見如實性虛空目見如無相無願虛空
目見如一切法無邊無處虛空目見如大慈
大悲虛空目見一切智見虛空虛空目見一

切智如是見已轉正法輪是名不共衆生法
界是名一切智名佛境界說是無緣梵行時
九万二千衆生成就是法恒河沙等衆生得
如法忍恒沙衆生遠塵離垢得法眼淨一千比
丘得阿羅漢果無量人天發阿耨多羅三藐
三菩提心

虛空目分護法品第九

今時一切欲色界天以妙香華幡蓋伎樂供
養於佛白佛言世尊如來先已於閻浮提轉
正法輪今復於此大寶房中轉大法輪爲菩
提行故一切大衆復作是言如來境界不可
思議何以故如來在此大寶房中轉法輪時

十方無量諸世界中所有菩薩悉來集此爲
聽如是虛空目法行尔時文殊師利童子金
剛童子金剛山童子無勝幢童子無勝意童
子虛空聲童子如是等童子其數九万二千
億白佛言世尊唯願如來以願力故令是虛
空目法行久住於此娑婆世界及十方土無
有滅没何以故如是法中說三梵行菩薩若
行如是三行即得阿耨多羅三藐三菩提佛
言善男子南方世界金剛光明功德如來西
方世界智幢如來北方世界發光功德如來
東方世界寶蓋光明功德如來是四如來先已
有願以是願故是經後當流布十方今諸善

薩悉得修行如是三行我今以此正法付囑
四大天王功德天女四大龍王誠實語天四
阿脩羅王具天大自在天八臂天地神女等
何以故善男子或有衆生其性弊惡有大勢
力多造重業不受是經是人死已受惡鬼身
惡龍之身是惡鬼龍欲壞佛法降澍惡雨惡
風塵坌爲諸修行三業比丘而作重病以手
探腹取其心肝吹吐惡氣置飲食中故令食
者得大重病良醫拱手不能療治如是修行
三業比丘盡捨命已名法滅如是惡鬼復
令如來所有弟子刹利婆羅門毗舍首陀大
臣長者悉生惡心惡心旣生牙相殘賊當介

之時閻浮提內國土城邑空荒無人人民既無誰當流布如是經典是故我今不以是經付囑菩薩比丘比丘尼優婆塞優婆夷及諸國主以付四王乃至地神如是天神至心護持若有國王刹利婆羅門毗舍首陀比丘比丘尼優婆塞優婆夷受持讀誦如是經者是

諸天神當至心護勸諸檀越令致供養所謂衣服飲食卧具病藥房舍燈燭是諸檀越若有惡相諸惡病瘦諸天力故悉令消滅以是因緣法得增長無有滅没尔時一切諸天神等白佛言世尊若今現在若佛滅後我等要當捨離自事守護是法若佛弟子比丘比丘

尼優婆塞優婆夷有能受持如是等經勤行
精進雖復受畜八不淨物畜養妻息金銀瑠
璃玻瓈田宅奴婢僕使我爲法故亦當守護
遮諸惡鬼不令媿近隨是經典所在之處令
其土地日月五星不越常度怨讎兵革皆悉
消伏所有衆生若男若女若大若小悉樂受
誦如是經典持戒清淨勤行精進世尊以是
因緣一切諸天樂處人間是人捨身即得生
天諸天增長色力壽命所有惡相滅無遺餘
其無信者我能令信若佛弟子比丘比丘尼
優婆塞優婆夷不能受持如是等經讀誦書
寫不樂寂靜不善思惟樂求供養不持淨戒嬾

惰懈慢心無慚愧親近白衣如是比丘以財
俗力毀佛弟子若打若殺若縛若罵向王大
目說其過惡佛諸弟子聞是事已生大惡心
生惡心已諸善鬼神捨至他土是故惡鬼即
得其便既得便已諸國興兵手相討伐降惡
風雨令穀不登人民飢饉共相茹食

尔時十方世界菩薩白佛言世尊諸佛如來
爲如是等五滓衆生制於禁戒唯願如來爲
法久住復制禁戒所謂身戒口戒意戒不得
受畜一切惡物惡心鬪諍親近国王大臣長
者受畜一切俗人之物如餘佛土所制淨戒
佛言善男子止止佛自知時善男子因緣未

出如來則不豫制禁戒。尔時世尊告頻婆娑
羅王大王。汝之國法何名大罪。何名小罪。頻
婆娑羅言。世尊。我之國法有四重罪。一者。斷
他命根。二者。偷至五錢。三者。淫他婦女。四者。
爲五錢。故大衆王邊。故作妄語。如是四罪犯
者。不活。佛言。我今亦爲未來弟子制。是四重
復次。大王。王子幾歲。不聽入宮。世尊過二十
年。則不聽入。佛言。我亦如是。沙彌二十。乃至得
道。不聽入衆。王言。世尊。如我國法。有作罪者。
必死不疑。或打或罵。閉繫。輸物。擯出。界外。如
來法中。其義云何。大王。我之法中。亦復如是。
有犯罪者。或令苦作一月。二月。或不與語。共

坐共食或不共任或擯令出或出一國或出四
國有佛法處治如是等惡比丘已諸善比丘
安樂受法故使佛法久任不滅大王若未來
世有我弟子饒財多寶有大力勢王所親愛
一切大衆不能擯治如是等人汝等當治刹
利婆羅門毗舍首陀不能治者如是四姓則
爲斷我三寶種性能滅法炬破壞法船焦涸
法味奪衆生眼我法壞時心則放捨大王譬
如一人奪一切眼於意云何是罪多不甚多
世尊不可稱量不可計數大王若有刹利婆
羅門毗舍首陀有大力勢見我法滅捨不守
護其所得罪亦復如是大王若有國主於無

量世修施戒慧見我法滅捨不擁護如是所
種無量善根悉皆滅失其國當有三不祥事
一者穀貴二者兵革三者疫病一切善神悉
捨離之其王教令人不隨從常爲隣國之所
侵燒暴火橫起多惡風雨暴水增長吹漂人
民內外親信咸共謀叛其王不義當遇重病

壽終之後生地獄中若宿善追及還得人身
無量世中常盲無目貧窮踰跣行乞自活常
生惡心因是惡心復當還墮於地獄中如王
夫人太子大臣城主村主將帥郡守宰官亦
復如是頻婆娑羅耳聞是語悲泣嗚咽杖淚
而言世尊我值如來猶故不能如法治國況

未來世放逸諸王不能持戒修行精進治惡
比丘護持佛法不能紹繼三寶種姓如是諸
王長夜常行於三惡道今時諸王天人太子
大臣城主村主將帥郡守宰官皆白佛言我
等於今現在之世要當勤心守護佛法亦當
供養受持法者衣服飲食卧具醫藥治惡比
丘紹三寶性佛言善男子汝等若能建立此
事則為供養三世諸佛亦得無量不可思議
諸善功德

虛空目分大衆還品第十

今時世尊復告諸天善男子汝等今者勿懷
憂慮我今當與未來弟子為諸法故立嚴峻

制爲不斷絕三寶性故爲欲增長諸善法故
爲增多聞滿寶藏故爲離一切苦煩惱故爲
成無上菩提道故善男子我今所說一切聲
聞具足成就得聲聞乘一切緣覺具足獲得
辟支佛乘一切菩薩具足成滿三種梵行得
無上智善男子是經能離諸惡衆生能壞衆
生惡不善法能滅身口意不善業能破一切
諸惡果報若有善男子善女人供養是經則
爲供養十方諸佛今時娑婆世界一切衆生
異口同音而作是言善哉善哉世尊我初未
聞是大法聚今得聞之世尊我能受持守護
是法爲護法故不惜身命若有比丘比丘尼

優婆塞優婆夷受是經者我當供養隨其所
須一切給與若復有能供養如是受持經者
我等亦當勤守護之內外財寶令無損耗隨
是經法所流布處亦護其土令無諸惡佛言
善哉善哉善男子汝能如是守護法者則爲
供養三世諸佛善男子若諸衆生有護法心
若生人天得大自在乃至畜生亦有大力爲
人所重不經寒苦善男子是護法者惡不能
加心無所畏無能破壞諸魔煩惱不得其便
多饒眷屬智慧具足凡有所說無所罣礙樂
行十善修習正定父母諸王見則恭敬能昇
法座轉正法輪凡有所聞終不忘失

大方等大集經卷第二十五

有

額浮陁上於葛反別譯云受胎一七日曰歌

亦謂父母和合七日中疑滑如酥也類浮陁疑

一破結如糜粟置厚白飲中三日凝酥中曰生陁疑

閉尸此云肉團謂炮結漸如肉搏也四日第七日曰生陁疑

今此六十七名此去堅實謂肉團則漸堅實第七日曰生陁疑

閉尸上閉字 疱蒲白 迫迮二音 面皴下側 危

脆下堅也 醜上音 逼及彼力 嬰兒

劇苦反上 執下音 器盟飲之眾器

怨讎二字音 金翅下施 弊惡上斷 降澍下音注

塵至下蒲 手探下比含 嬈音 嬾惰上郎罕反 討伐

誅也反 茹食而敢也 擯出上必 焦涸上音焦下音鶴

謀叛

下音畔逆也

踰跽

上音惡

下音形

將帥

上

聲類反

下所也

嗚咽

下於結反

拔淚

上也

無粉反

嚴峻

下險也


憂悲不止也

反嚴威也

反

反

反



猪飼順良壽附

